

C O N C I O II.

EX HISTORIA PASSIONIS, PROVT ILLA A

4. Euangelistis est descripta, ex textu Matth. 26. à v. 1. ad v. 6. Marc.

14. 1. 2. Luc. 22. à v. 1. ad v. 7.

QVibus de causis, horribilem illam, Filii Dei passionem, Spiritus sanctus, in libris sacris, tam prolixè, & accurate describi voluerit, in præcedenti concione abundè est declaratum, videlicet:

1. Vt discamus hinc odium, & certissimas pœnas Dei aduersus peccatum.

2. Vt hac eadem historia, si peccata nos terreāt, & accusent, in viuam, & indubiam gratiæ Dei spem erigamur. Deus. n. nos amauit, Christus nos amauit, & p nobis perfectè omnia exsoluit.

3. Vt pro hoc beneficio ppetuo Deū laudemus, & celebremus.

Atq; hæc est summaria Passionis Christi explicatio, quæ cōpendiariam Catechismi nostri, imo totius Religionis Christianæ summam compræhendit: specialis nunc, & historica explicatio sequitur, sicut ea ab omnibus quatuor Euangelistis, per suos actus, est descripta.

Quæ historia maximi a nobis merito fieri debet, vtpote in quam totum vetus Testamentum est directum, imo in qua absolutum & consummatum est, in qua puppis, & prora salutis nostræ consistit, vt mirum non sit, eam ab Euangelistis tam prolixè, & fideliter consignatam, maioremque symboli Apostolici partem ex hac eadem historia desumptam esse. Adsit nobis Iesus Christus spiritu suo, vt & nos, post aliorum labores, digna lectu, & obseruatu, adferamus. Amen.

Verba prælecta, duo in se continent:

I. Vltimam prædictionem passionis Christi, à Christo ipso, discipulis suis, biduo ante quam caperetur, propositam.

II. Recensentur præcipui hostes, & auctores necis Christi, eorumque in necē ipsius conspiratio, conuentus, sollicita consultatio, & sanguinarium decretum.